

Sa sigurnošću možemo reći da su agresija i nasilje svakodnevni fenomeni, odnosno fenomeni svakodnevice. Ziaista, ne postoji značajnije područje čovjekova života a da ono nije prožeto nekim oblikom ili vrstom agresije i nasilja. U manjoj ili većoj mjeri, agresija i nasilje prožimaju naš život.

Teoretičari koji se bave objašnjenjem složene pojave nasilja, jasno ističu da nasilje nije isključiva pojava tzv. "varvarskih" i "primitivnih" društava, nego da je i pojava koja karakteriše i prožima "moderna" i "savremena" društva. U ovim društvima je nasilje redovan oblik ispoljavanja i održavanja dominacije kroz različita područja čovjekovog privatnog i društvenog života, npr. u braku i porodici, na poslu, u procesu obrazovanja i vaspitanja, rada i kulture, profesionalnih, političkih, sportskih i drugih institucija, udruženja, grupa, itd. U svima njima je nasilje prisutno, ali ono na koje ćemo se mi posebno osvrnuti je prisutnost nasilja u dvje-

ma tzv. "malim" grupama: braku i porodici. Tim prije, jer ove dvije grupe imaju veliko značenje i ulogu u procesu socijalizacije ličnosti što, zapravo, znači da je proces socijalizacije ličnosti istovremeno i proces socijalizacije nasilja.